

Kvennaframboðið í Reykjavík:

Framboðslisti með 42 nöfnum birtur

— málagnið komið á götur borgarinnar

Loks hefur hulunni verið svipt af andlitum þeim sem prýða lista kvennaframboðsins í Reykjavík. Málagnið þeirra, sem einfaldlega er kallað Kvennaframboðið, ætti nú að

vera komið á götur bæjarins, en í því er framboðslistinn birtur, 42 nöfn alls. Í blaðinu er rakin forsenda framboðsins, stefnuskrá birt og ýmsar greinar um málefni sem tengjast framboðinu.

10 efstu sæti listans skipa eftirtaldar konur:

1. Guðrún Jónsdóttir, félagsráðgjafi, 50 ára
2. Ingibjörg Sólrun Gísladóttir, BA, 27 ára

3. Magdalena Schram, blaðamaður DV, 33 ára
4. Þórhildur Þorleifsdóttir, leikstjóri, 37 ára
5. Sigrún Sigurðardóttir, fulltrúi RUV, 44 ára
6. Kristín Ástgeirsdóttir, blaðamaður, 30 ára
7. Sigríður Kristinsdóttir, sjúkraliði, 38 ára
8. Lára V. Júliusdóttir, lögfræðingur, 31 árs
9. Hjörðís Hjartardóttir, félagsráðgjafi, 29 ára
10. Guðrún Ólafsdóttir, lektor, 52 ára.

Meiri valddreifing er forgangsatriði

— segir Guðrún Jónsdóttir, sem skipar 1. sæti listans

Guðrún Jónsdóttir, félagsráðgjafi, skipar efsta sæti lista



kvennaframboðsins. Hún er Skaffellingur að ætt og uppruna, fædd 16. júni 1931. 14 ára flutti hún til Reykjavíkur og hóf fljóttlega nám við Kennaskólan.

Næst lá leiðin í Menntaskólan í Reykjavík og ári eftir stúdentspróf hét Guðrún til náms í félagsráðgjöf í Svíþjóð. Hún hefur starfað hjá Barnaverndarnefnd, Sálfræðideild skóla, Sumargjöf, Æfingadeild Kennaraháskólans, auk kennslu við Föstruskólan, Kennaraháskólan og Háskóla Íslands. Um þessar mundir vinnur hún að skipulagningu kennslu í félagsráðgjöf við Háskólan. Hún er gift Ólafi Thorlacius, lyfjafræðingi og eiga þau eina dóttur.

Guðrún kveðst aldrei hafa flokkabundin verið, en ávallt haft áhuga á borgarmálefnum. Að þeim hefur hún þó ekki starfað beint, utan setu sem varamaður Alþýðubandalagsins í félagsmálaráði Reykjavíkurborgar.

Aðspurð um helztu baráttumál, sagði Guðrún: „Meiri valddreifing í borginni er það sem mér finnst brýnast að hrinda í framkvæmd. Að þessari forræðishugmynd flokkanna verði sleppt og sjálfsum borgaríum gefinn kostur á að ólast vald og axla þá ábyrgð sem því fylgir. Þetta nær yfir öll málefni borgarinnar.“ -JB.

„Tekið verði tillit til breyttra þarfa íbúanna“

— segir Magdalena Schram þriðja konan á listanum

Magdalena Schram, blaðamaður við DV, er í þriðja sæti á lista kvennaframboðs.

Hún er fædd í Reykjavík, í ágúst 1948, lauk stúdentsprófi frá MR 1968 og hét þá til náms í Englandi. Þar lauk hún BA-prófi í sögu og heimspeki árið 1971 og bjó áfram í Englandi fram til 1975. Síðan hefur hún unnið við ferðamál, kennslu, sjónvarp og blaðamennsku. Hvað félagsmál snertir var Magdalena virk

i félagslifi á skólaárum og er einn forsvarsmann fyrir nýstofnuðum íbúasamtökum í vesturbæ. Hún er gift Herði Erlingssyni, félagsfræðingi og eiga þau tvö börn.

Um helztu baráttumál sín sagði Magdalena: „Mér finnst mest um vert að Reykjavík sé stjórnað og hún rekin í samræmi við þarfir íbúanna sem þar búa. Á þetta hefur því miður skort mikil. Til dæmis má benda á



að 74% kvenna vinna nú utan heimilis og flestar þeirra eru einnig mæður. Þetta er mikil breyting sem farist hefur fyrir að taka tillit til við skipulagningu og rekstur borgarinnar. Má þar nefna sem dæmi bæði dagvistunar- og skolamál. Þetta ósamræmi milli þess lifs sem íbúarnir lifa annars vegar og svo stjórnunar borgarinnar hins vegar þarf að leiðréttá.“ -JB.

„Lítið komið til móts við breyttu stöðu kvenna“

— segir Sigrún Sigurðardóttir í 5. sæti

Sigrún Sigurðardóttir, fulltrúi í dagskrádeild Ríkisúvarpsins er símmiðnaðið á lista kvennaframboðs.

Sigrún er fædd í Reykjavík, 18. janúar 1938. Hún lauk prófi frá Samvinnuskólanum í Reykjavík 1955 og dvalist síðan við nám og störf í Danmörku og Englandi næstu tvö ár á eftir. Hún hefur lagt stund á skrifstofustörf, unnið sem flugfreyja, en lengst af starfað hjá útvarpi, eða síðan 1968. Þar starfar hún sem fyrr segir í dagskrádeild og hefur sêð um ýmsa þætti í útvarpi, meðal annars óskalagahátt sjómanna, um árabíl.

-JB.

